



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-34-8279-10/20
Sarajevo, 15.5.2020. godine

- **PREDŠKOLSKIM USTANOVAMA KANTONA SARAJEVO**
- **AUTOŠKOLAMA KANTONA SARAJEVO**
- **USTANOVAMA ZA OBRAZOVANJE ODRASLIH KANTONA SARAJEVO**
- **SVIM ZAINTERESIRANIM**

Poštovani,

obavještavamo Vas da je, u skladu sa donesenim Zaključkom Štaba civilne zaštite Kantona Sarajevo, broj: 08-40-423-37/20 od 15.5.2020. godine, ministar za obrazovanje nauku i mlade Kantona Sarajevo donio, Naredbu, broj: 11-34-8297-9/20 od 15.5.2020. godine, kojom se dozvoljava rad predškolskim ustanovama, ustanovama za obrazovanje odraslih i autoškolama na području Kantona Sarajevo počevši od 18.5.2020. godine.

Za organizaciju rada u predškolskim ustanovama u uvjetima pandemije uzrokovane koronavirusom (COVID-19), Javna ustanova Zavod za javno zdravstvo Kantona Sarajevo donio je „Smjernice za prevenciju i kontrolu infekcije COVID-19 u obdaništima i predškolskim ustanovama Kantona Sarajevo“ kojih su dužni pridržavati se radnici predškolskih ustanova, roditelji i djeca.

Također, pomenutom Naredbom stavljen je van snage dio Naredbe Ministarstva kojim se odgađa do daljnjeg polaganje ispita za vozače motornih vozila.

S tim u vezi, obavještavamo da će se prijem prijave za polaganje ispita za vozača motornih vozila i polaganje ispita nastaviti u skladu sa uobičajenom procedurom, počevši od 18.05.2020. godine.

Nadalje, naglašavamo da svi kandidati koji su, prije stupanja na snagu naredbe o obustavi polaganja ispita za vozače motornih vozila, bili prijavljeni za ispite i kojim je bio utvrđen termin polaganja, obavezno moraju ponovno izvršiti prijavu istih, bez plaćanja naknade predviđene za ispit, kako bismo sa sigurnošću mogli utvrditi novi raspored polaganja ispita.

Ustanovama za obrazovanje odraslih na području Kantona Sarajevo, u skladu sa donesenom Naredbom, dozvoljen je rad u punom kapacitetu uz obavezu poštivanja naredbi i preporuka Federalnog štaba civilne zaštite, Štaba civilne zaštite Kantona Sarajevo i higijensko-epidemioloških mjera Javne ustanove Zavoda za javno zdravstvo Kantona Sarajevo.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Ova naredba se ne odnosi na odgodu ostalih ispita, obuka, stručnih usavršavanja, edukacija, seminara, konferencija i takmičenja čiji je organizator/suorganizator Ministarstvo za obrazovanje, nauku i mlade Kantona Sarajevo, odnosno Prosvjetno-pedagoški zavod.

Također, u prilogu Vam dostavljamo Smjernice za prevenciju i kontrolu infekcije COVID-19 u obdaništima i predškolskim ustanovama, kao i Smjernice za prevenciju i kontrolu infekcije SARS-COV-2 virusom u radu autoškola u kontekstu relaksacije mjera koje je donijela Javna ustanova Zavod za javno zdravstvo Kantona Sarajevo, a sa sadržajem istih obavezni ste upoznati svoje korisnike.

S poštovanjem,



MINISTAR

Mr. Anis Krijić



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

